

EFESUS **Efesus mbal tuku wañe Paulusñge** **kuyarna**

Yesus nu luka samba mbol kina le yar 32 kinaig le Paulus nu Romñge muli wandek sinamñge minmba Efesus mbal tuku wañe te kuyarna sulumba nane teñemba saniñgina: Yesus nu Moses tuku tukul ñakmba kile-sika nuñe ñgarosumbi Zu mbal kasomok mbal ulendimba tanjo kitek ndindo te-mayokna.

¹ Tane Kuate tuku mbal Efesusñge minmba Kristus Yesus dubi mayede ta tane ñakmba kaiye. Ye Paulus Kuatenñge madiyina le Yesus tuku aposel minet yeñge tane ndon pasatam prowet.

² Singine Mam Kuate, Sunjo Yesus Kristus nale ake sinan tane make patika ñgamunjal wamodus bul sertinjuwaik. Son.

Kuate nu sine mbolñge wam magenu kina

³ Singine Sunjo Yesus Kristus tuku Mam Kuate sine nu tuku nyu te-dungube. Sine Kristus ndon ulendikeg le Kuate nu samba mbolok wam magenu ñakmba Tukul Guwa mbolñge sinjit le gare sunjo ñak mineg.

⁴ Kuate nu kilke te te-mayok ndana sulumba nu Kristus mbolñge sine kilam tuku madisingina. Sine nu tuku mbal purfeñnu mbar kugatok nu am mbolñge tinjam tuku nu tanjana.

⁵ Nu sine tuku kume purmba Kristus mbolñge nuñe kinjo kame mayok kambim tuku idusna. Nu

nuṅe ranḡun mayenu maṅau ta dubimba wamdus ta tina.

⁶ Sine nu tuku nyu sunḡo ta te-dunḡube ṅga nu nuṅe wam mayenu ta te-mayokmba nuṅe Kiṅo nuṅe tuku kume purna ta nu mbolṅe sine ake sinaṅ make patikina.

⁷ Nu sine make patikate maṅau ta fudiṅndo kuga. Wam ta sunḡo ṅayo. Nuṅe Kiṅo nuṅe tuku kume mbolṅe nu sine tuku mbar saukina sulumba sine tuku muskil kile-tidiṅgina.

⁸ Nu lato lato sine make patika wamdus kila magenu siṅgit le

⁹ nuṅe wamdus buk kuirok minna ta kila pile mayeweg. Kuate nu o buk nuṅe ranḡun mayenu maṅau ta dubimba wamdus tina ta teṅemba.

¹⁰ Ngumneṅga ait kumuṅguwa le nu samba kilke agaṅ ndende ṅakmba kilmba Kristus kumnemṅe patikuwa le naṅine ma mbolṅe minwaig le Kristus nu gabat sunḡo minamṅat.

¹¹ Kuate nu wamdus tumba taṅamba wam mayok kuwaig ṅga sakate ta kumumba mayok kinig. Nu o buk wamdus ande tumba Kristus mbolṅe sine kilam tuku madisiṅgina ta kile sine kilit.

¹² Kristus nu sine muskil kile-tidiṅguwa ṅga ambonga sine Zu son ṅgigeṅ mbal sine siṅgine mine ṅakmba mbolṅe Kuate tuku nyu sunḡo ta te-dunḡube ṅga nu sine madisiṅgina.

¹³ Kristus nu taṅgine muskil kile-tidiṅge tiṅgina ta tane pasa mayenu tugusek ta ismba tane Kristus tuku son ṅginaig. Taṅanaig le nu tane kasomok mbal mata yiṅe mbal ṅga Tukul Guwa tiṅmba

sanjatingina. Nu o buk nuŋe mbal Tukul Guwa niŋgam tuku sakina.

¹⁴ Sine Tukul Guwa ŋak mineg tukunu sine Ku-ate tuku wam magenu kilamŋgig. Nu ŋak minbe le ma ma Kuate nu sine tuku muskil kile-tidiŋge siŋgamŋgat. Nu taŋawa le sine nu tuku nyu sunjo ta te-duŋgamŋgig.

Paulus nu Efesus mbal tuku Kuate yabaŋna

¹⁵ Ye wam kame sakit ta ŋakmba idusniŋmba tane Sunjo Yesus tuku kume tuku sanjri tomba tiŋga Kuate tuku mbal ŋakmba tuku kume purde ta ye ismba ye mara mara Kuate gare pasa tuwet.

¹⁶ Ye nu yabaŋet ta ye tane gilai ndaŋget.

¹⁷ Siŋgine Sunjo Yesus Kristus tuku Mbara nu agaŋ ndende ŋakmba tuku gabat sunjo. Nu tane nuŋe Guwa tiŋguwa le nu wamdus kila mayenu tumtiŋguwa le tane Kuate kila pile mayewap ŋga ye yabaŋet.

¹⁸ Nuŋge tane wamdus kilŋatiŋguwa le Kuate nu tane wikina le nu tairŋga minig ta tugunu kila pile mayewap.

¹⁹ Nu tane nuŋe mbal minam tuku kilit ta wam sugo pasa ŋak tane tuku minig ta kila palpe sulumba sine Kristus tuku son ŋgeg mbal sanjri sunjo mara mara sine tam tuku minit ta tane katese mayewap ŋga ye yabaŋet.

²⁰ Sanjri ndui tambu Kuatenge Kristus kumna le te-timba tumba samba mbolŋge nuŋe ndinam kumamŋge pilna le minit.

²¹ Nu sugo sugo ŋakmba liniŋmba o mbolŋge minmba nyu sugo sugo kilke te mbolŋge kilke kitek

mbolŋge ta ŋakmba liniŋmba nu mbolŋge minmba minamŋgat.

²² Kuate nu aganŋ ndende ŋakmba nu kum-nemŋge patikina sulumba nuŋe kuasmbi tuku gabat suŋgo minwa ŋga nu pilna.

²³ Kuate tuku kuasmbi ta Kristus tuku ŋgarosu. Nuŋe ŋgarosu mbolŋge nuŋe nyu suŋgoka mayok ka nu kumumbi minit le aganŋ ndende ŋakmba nu mbolŋge kumumbi mine likade.

2

Sine Kristus mbolŋge abo kitek tigenj

¹ Tane buk wam ŋaigonu ke lika Kuate maskenŋge minmba kumaknu minnaig.

² Tane kilke te tuku maŋau ŋaigonu dubika guwa ŋaigonu tuku gabat suŋgo kumnemŋge minnaig. Nu kile Kuate tuku pasa pitaide mbal sinamŋge piroka minit.

³ Sine ŋakmba buk nane taŋaŋ minmba siŋgine wamdus ta ndo dubika nzali ŋaigonu ke lika mingenj. Sine taŋgo ŋakmba ndoŋ Kuate tuku pa tam tuku mingenj.

⁴ Kuate tuku mape maŋau suŋgokanu. Nu sine tuku suŋgomba kume purmba

⁵ sine une maŋau mbolŋge kumaknu mingenj le Kristus nu kumna le te-tina ta sine nu ndoŋ kile-tidiŋgina. Nu ake sinaŋ sine make patika muskil kile-tidiŋgina.

⁶ Nu Kristus te-duŋga sine nu ndoŋ ulendikeg wam ta mbolŋge nu sine turmba kile-duŋga ka samba mbolŋge nu ndoŋ patikina le mineg.

⁷ Ait prowe likamngaig ta n̄akmba mbol̄nge Kuate nu sine ake sinan̄ make patikate wam sun̄go ta kilimok mayok kuwa n̄ga nūn̄e ran̄gun mayenu Kristus Yesus mbol̄nge sin̄gina.

⁸ Kuate nu tane ake sinan̄ make patika tane muskil kile-tidingate ta tan̄gine piro mbol̄nge kuga. Kuaten̄ge piya kugatok tin̄git.

⁹ Tan̄go n̄garosu payamkubekaig n̄ga nan̄gine piro mbol̄nge nu nin̄ge ndakate.

¹⁰ Sine Kuate tuku wai kuyar mineg. Nu Kristus Yesus mbol̄nge sine wam magenu ke likam tuku nu sine abo kitek sin̄gina. Nu o buk sine tan̄jamba minbe n̄ga idusna.

Sine Kristus mbol̄nge kuasmbi ndindo mineg

¹¹ Tane Zu ndare mbol̄nge mayok nda kinaig ta tane gilai ndan̄gap. Sine Zu tan̄go Kuate tuku mbal n̄ga n̄garo pikeg tuku mbal n̄geg. Sine buk tane kasom̄nge minmba n̄garo pike ndakade tuku mbal n̄gigeŋ.

¹² Ait ta mbol̄nge tane Kristus gilai minmba sine Israel Kuaten̄ge madisingina mbal kasom̄nge minnaig le Kuate nu wam afu kam tuku Israel san̄gina ta tane nda isnaig. Tane Kuate gilai minmba muskil te-tiwam tuku wam katese ndanaig. Tane tan̄gine piti ambokok ta gilai ndan̄gap.

¹³ Tane buk Kuate masken̄ge minnaig ta kile tane Kristus ndon̄j ulendika nu tuku ndare mbol̄nge Kuate tugum̄nge minig.

¹⁴ Nu sile tuma ulendisikam tuku tan̄go. Sile Zu mbal kasomok mbal n̄gueu minken̄j wam ta nu tesimba sile ulendisikina.

15 Nu Moses tuku tukul ṅakmba kile-sika nuṅe ṅgarosumbi Zu mbal kasomok mbal kilmba taṅgo kitek ndindo te-mayokna le sile wamdus mukuk minek.

16 Nu ail kazrai mbolṅge kumna sulumba ṅgueu maṅau kume sermba sile mbal ar te ndindo te-mayokmba Kuate ndoṅ tumana.

17 Nu pro sine Kuate tugumṅge mingenṅ mbal tane kasomṅge minnaig mbal nu sile ṅgamukṅge pasa mayenu kuklimba Kuate nu wamdus mukuk sile ndoṅ minam tuku ndin tumsikina.

18 Sile kuasmbi ar te nu mbolṅge Tukul Guwa ndindo ṅak minmba kile sile Mam Kuate tugum kambim kumuṅ.

19 Ta tuku kile tane kasomok mbal rawe taṅgo mine ndakade. Kuga. Tane sine ndoṅ Kuate tuku mbal mineg. Sine ṅakmba nu tuku wande tuma mbal mineg.

20 Aposel kame tuan taṅgo kame nane wande ta tugu pilnaig le tane nane mbolṅge tuturde. Kristus Yesus nu wande ta tuku ndame sunṅo.

21 Nu mbolṅge wande alonu ṅakmba ulendikade sulumba sanṅri tiṅga Kuate nuṅe minam tuku wande sunṅo mayok kinit.

22 Tane Kristus ndoṅ ulendikade ta tane mata Kuate tuku wande. Nu wande ta sinamṅge nuṅe Guwa pilit ta nu minit.

3

Kuatenṅe Paulus kasomok mbal tuku piro taṅgo madina

¹ Ye Paulus tane kasomok mbal mata Kuate tuku wande minig nga saket tukunu ye muli wandekeŋge minet.

² Kuate nu taŋgo ake sinaŋ make patikate wam ta tane kasomok mbal kila palpe nga piro te ye wai mbolŋge pilna ta tane buk isnaig.

³ Kuate nu nuŋe wamdus kuirok minna ta te-mayokmba tumyina. Ye buk ta tuku fudiŋmba tane tuku kuyarit.

⁴ Tane pasa ta burka ye wam tugusek Kristus tuku katese mayewet ta kila palmbimŋgaig.

⁵ Wam kuirok ta buk taŋgo nane ise ndakinaig. Kile Tukul Guwaŋge te-mayokmba Kuate tuku aposel le tuan taŋgo kame tumsingit.

⁶ Wam kuirok ta teŋenmba. Tane kasomok mbal mata Kristus tuku pasa mayenu ismba son ŋgade sulumba tane Israel mbal ndoŋ Kuate tuku kiŋo kame mayok ka kuasmbi ndindo minig. Kuate nu Kristus Yesus mbolŋge wam mayenu nane mbolŋge kamŋgit ŋgina ta tane nane ndoŋ tam tuku minig.

⁷ Kuate nu nuŋe saŋgri te-mayokmba ye ake sinaŋ make pilmba Kristus tuku pasa mayenu kukliwam tuku ye madiyina.

⁸ Ye Paulus Kuate tuku mbal ŋgamukŋge ye nyu kugatok ta Kuate nu ye make pilna. Sine Kristus mbolŋge wam sugo kileg ta ye kasomok mbal ŋgamukŋge kukliwam tuku nu taŋamba ye make pilna.

⁹ Ye taŋawet tukunu Kuate tuku wamdus buk kuirok minna ta alonu mayok kinit le tane kila pilig. Kuate nu agaŋ ndende ŋakmba kile-mayokkina ta nu o buk wam ta kam tuku idusmba

nuŋe mironŋ kila minna ta

¹⁰ kile mayok kinit le samba mbolŋge guwa sugo sugo nane Kuate tuku wamdus kila ta tuku alonu Kristus tuku kuasmbi mbolŋge kaŋgerka ta wam sugo ŋgade.

¹¹ Kuate nu tugu mbolŋge wam ta kam idusmba minna sulumba kile siŋgine Sunŋo Kristus Yesus mbolŋge te-mayokte.

¹² Sine nu tuku kume tuku saŋgri tomba tiŋga nu mbolŋge sine kuru kuru kugatok ŋgamuŋgal mukuk Kuate tugum kineg.

¹³ Ye tanenu ŋga piti kaŋgeret te tane ta tuku wamdus saŋgri kusre ndawap.

Kristus tuku kume pur maŋau sunŋo

¹⁴ Ta tuku ye dagol tidronŋa Mam Kuate tuku nyu te-duŋget.

¹⁵ Kuate nu sine ŋakmba tuku Mam Sunŋo minit. Samba mbolŋge kilke mbolŋge ina mam ŋgeg ta Kuate nu tugu.

¹⁶ Nu purfeŋnu saŋgri sunŋo ŋak ta nu nuŋe Guwa tiŋguwa le nu tane tuku ŋgamuŋgal saŋgri piletiŋguwa ŋga ye nu yabaŋet.

¹⁷ Tane Kristus nu kumuŋ ŋga son ŋgap le nu tane tuku ŋgamuŋgal sinamŋge minwa le tane kume pur maŋau mbolŋge saŋgri tiŋgamŋgaig.

¹⁸⁻¹⁹ Tane taŋamba minap sulumba tane Kuate tuku mbal ŋakmba ndoŋ Kristus tuku kume pur wam ta katese mayewamŋgaig. Nu tuku kume pur maŋau ta sunŋokanu o mbolŋge. Ande nu tuku kume pur maŋau sunŋo ta kila pile suluwam kumuŋ kuga. Tane lato lato kila palpe ta tane Kuate

tuku mañau ñakmba te-puramñgaig. Ye tanenu ñga tañamba Kuate yabañet.

²⁰ Sine wam sugo afu kilam tuku wamdus sungo ñak minmba Kuate yabañeg ta nu tuku sangri sine mbolñge pirokate tukunu nu wam ta liniñmba nu wam sugo pasa ñak siñgam kumuñ.

²¹ Sine Kuate tuku kuasmbi Kristus Yesus ndon Kuate tuku nyu sungo ta te-dunğa minmba minbe. Son.

4

Sine Kristus mbolñge kuasmbi ndindo mineg

¹ Ye Sungo tuku piro taño ye muli wandek sinamñge minet te ye tane sarsartinget. Kuate nu tane wikina wam ta te-mayokmba mine mayenu mbolñge minap.

² Tane tañgine nyu te-ibeñmba ñgan mañau ñak minap sulumba ande tuku pitik gubra te ndakap. Tane kume pur mañau dubimba afu nane mañau kise dubide ta tala ndaniñgap.

³ Tukul Guwa mbolñge tane wamdus ulendi minig. Tane mañau ta pur ndakuwa ñga wamdus mukuk mañau minam tuku wamdus sangrinu palpe.

⁴ Sine Tukul Guwa ndindo ñak minmba ñgarosu ndindo ndo mineg. Kuate nu sine wam ndindo tairñga minam tuku wikina.

⁵ Sine tuku Sungo ndindo. Ngamuñgal son ndindo. Sine kule pisne ndindo teg.

⁶ Sine tuku Mbara ndindo. Nu sine ñakmba tuku Mam ndindo minit. Nu sine ñakmba kulatka sine ñakmba mbolñge pirokate. Nu sine ñakmba tuku ñgamuñgal sinamñge minit.

⁷ Kristus nu nuṅe wamdus dubimba sine nduik nduik ṅakmba mbolṅge saṅgri yimyam siṅgina.

⁸ Kuyar pasa ande ta tuku teṅenmba sakate.

Nu muliṅ kilanu mbal kilmba samba mbol ambe kina. Ambenṅe nuṅe wam kame magenu taṅgo kame niṅgina ṅga sakate. *Mune 68.18*

⁹ Kuyar pasa ta nu mbol ambe kina ṅga sakate ta tugunu teṅenmba. Nu ambonṅa kilke te o sinam nzi kina sulumba nu maṅ luka samba mbol kina.

¹⁰ Ande nu ndekina ta nu samba mbol ambe kumba maṅ tuturmba o mbol ambe kina le kile agaṅ ndende ṅakmba nu kumnemṅe minig.

¹¹ Nu sine afu aposel pirokam tuku saṅgri siṅgina sulumba afu Tukul Guwa tugumṅe pasa ismba kile-mayokkam tuku piro siṅgina. Afu lika pasa mayenu kukliwam tuku, afu Kuate tuku mbal kulatkam tuku, afu nuṅe pasa kukliwam tuku taṅamba taṅamba saṅgri yimyam siṅgina.

¹² Sine Kuate tuku mbal pirokube le Kristus tuku ṅgarosu suṅgoka saṅgri tiṅguwa ṅga nu taṅana.

¹³ Sine taṅamba minbe ma ma ṅgamuṅgal son saṅgrinu kumu kumu mayok ka Kuate tuku Kiṅo kila pile mayebe sulumba ka ka sugoka sine Kristus minit taṅaṅ mayok kaṅgig.

¹⁴ Taṅamba mayok kab ta sine kiṅo kame taṅaṅ mine ndaka tum pasa kise kise taṅgo naṅgine yabri wamdus kilambi tugusek pasa taṅaṅ kile-mayokkuwaig ta ismba bubre tiṅga yu tonṅel tiṅgate taṅaṅ wamdus kine inume nda.

¹⁵ Sine taṅgo ṅakmba idusniṅmba tugusek maṅau ndo dubibe sulumba wam ṅakmba mbolṅge siṅgine Gabat Kristus ndoṅ ulendikube.

16 Sine Kristus tuku ngarosu mineg. Nu nuņe ngarosu kulatka sanjri tuwit le nuņe ngarosu njakmba ulendika mine mayede. Nane nanjine piro yinyam tugusemba kuwaig ta ngarosu sunjgoka kume pur maņau njak minmba sanjri tinjamngat.

Sine Kristus mbolņge mine maņau kitek njak

17 Ye pasa te Sunjo tuku nyu mbolņge satinjamngit ta tane ise mayewap. Kile tane Kuate dubi ndade mbal taņaj li ndakap. Nane nanjine wamdus wam alo kugatok mbolņge patikade le

18 ma make sunjo sinamņge minig. Nane ngamunjal karenju pilmba wamdus kugatok taņaj minmba Kuate nu maņau kitek tanjo ninjit ta nane gilai minig.

19 Nane maņau njaigonu kumba kiko kugatok minig. Nane nanjine nzali ngail ndaka une maņau kumba kutur maņau njakmba kam tuku piriide.

20 i ... Tane taņamba Kristus tuku kila pile ndakinaig.

21 Afunģe tane Yesus tuku pasa kuklimba tumtinģinaig le ismba nu tuku tugusek wam kila pilnaig.

22 Tane kila pilnaig taņamba tanģine wamdus ambokok tambu maņau njaigonu dubikinaig ta kus-rekap. Tanģine wamdus ambokok tanģe tane njaigo siglike dirna.

23 Tane wamdus kitek njak minmba

24 Kuate tuku maņau te-purap sulumba tugusek maņau ndo dubimba mine mayenu mbolņge minap.

²⁵ Tane tanjo kitek minmba yabri pasa sa ndakap. Sine njakmba Kristus tuku njarosu inumnu mineg tukunu tira ndonj sinjka pasa ndo sakap.

²⁶ Tane gubra tap sulumba gubra ta dubimba une ke ndakap. Tane ki mbol gubra tumba gubra ta njak kinye ndakap.

²⁷ Satan pirokam tuku ndin wakei ndawap.

²⁸ Ande nu aganj ndende kuayarte ta nu manjau ta kusrewa. Nu afu aganj ndende denkanu minig ta turkam tuku piro karenjkuwa.

²⁹ Tane pasa njagonu sa ndakap. Pasa magenu ta ndo sakap le nane afu wamdus piti njak minig ta pasa ta ismba sanjri pileninjguwa.

³⁰ Kuate tuku Tukul Guwa piti ser ndawap. Ku-ate nu tane tuku muskil kile-tidjngam saka Tukul Guwa tinjmba sanjgatinjgina.

³¹ Wamdus njgoue njak, gubra manjau, minje fetka kualeyau manjau, wanjje pasa ta njakmba kusrekap.

³² Tane tanjine tanjine munju sina njak minap sulumba munju turkap. Kuate nu Kristus mbolnje tane tuku une sauka gilainjgina tanjamba ndo tanjine tanjine mbolnje mbarde ta mata gilainjgap.

5

Sine mafen minbe

¹ Tane Kuate tuku kinjo kame nu tane tuku sunjgomba kume purte. Tane nu tuku manjau ta tepurap.

² Kristus nu sine tuku kume purmba sinenu njga nunje njarosu kumam tuku pilna le atrau aganj mundur mayenu tanjanj Kuate tugum ambe kina.

Tane taɲamba ndo kume pur maɲau mbolɲge minap.

³ Tane Kuate tuku mbal minig tukunu fare fare taɲgo pino ndoɲ une maɲau, wamdus kutur maɲau, agaɲ ndende kilam tuku piriride maɲau ta ɲakmba tane ɲgamukɲge mayok nda kuwaig.

⁴ Tane bukla pasa fare pasa fulaiɲ pasa ɲaigonu sa ndakap. Taɲgine miɲge ta Kuate gare pasa tumba minap.

⁵ Tane pasa te kila pile mayewap. Fare fare taɲgo pino ndoɲ unekade mbal, wamdus kutur ɲak mbal, agaɲ ndende kilam tuku piriride mbal nane Kuate le Kristus kulatkade ma mbol kine nda. Ande nu agaɲ ndende kilam tuku piririte ta nu Kuate idus ndamba nuɲe wamdus ta agaɲ ndende ta mbolɲge ndo minit.

⁶ Tane rironɲkap. Afuɲge naɲgine yabri pasa tambu tane mbar kame ta ke likap ɲga tane didikubekaig. Kuate tuku pasa pitaimba mbar taɲaɲ kade mbal Kuate tuku gubra nane mbolɲge minit.

⁷ Ta tuku tane nane ndoɲ ulendi ndakap.

⁸ Tane buk ma make tuku mbal minnaig. Kile tane Suɲgo ndoɲ ulendika tane mafenɲ tuku mbal minig. Tane mafenɲ tuku mbal minig taɲamba bulu mbolɲge likap.

⁹ Bulu mbolɲge likade mbal nane wam magenu tiɲreknu tugusek kile-mayokkade.

¹⁰ Wam ɲakmba pileɲga Suɲgo nu nzalite wam ta ndo kap.

¹¹ Tane ma make tuku wam alo kugatok ta kasomɲge minmba taɲgine mine mayenu tambu nane tuku mbar kile-mayokkap.

¹² Nane kuirka maŋau ŋaigonu kade ta tane ismba taŋgine taŋgine kubemba ise ndakap.

¹³ Wam kame ta buluŋge kilŋaniŋgit ta tugunu kilimok mayok kinig. Mayok kinig sulumba bulu mboluŋge minig.

¹⁴ Ta tuku ande nu teŋemba sakate. Kinymba minit taŋgo ne aboŋga. Naŋe kumaknu maŋau kusrewa le Kristus nu ne kilŋanuwa ŋga sakate.

¹⁵ Tane kurau mayemba li mayenu mboluŋge minap. Tane wamdus kugatok mine ndaka wamdus kila mayenu ŋak minap.

¹⁶ Ait te ŋayo ait tukunu ait afu wam magenu ke likam tuku prode ta ake kusre ndakap.

¹⁷ Tane wamdus kugatok taŋaŋ mine ndaka Suŋgo tuku nzali kila palpe.

¹⁸ Tane kule kamenu nyumba ŋginganka maim maim maŋau ke ndakap. Taŋgine ŋgamuŋgal palpe le Tukul Guwa sinam kuwa le

¹⁹ David tuku mune, mune afu magenu, Tukul Guwa tuku mune ta ŋakmba taŋgine taŋgine muŋgu mune-munekap. Muŋgu mune-muneka wamdus sinamŋge Suŋgo tuku nyu te-duŋgap.

²⁰ Tane mara mara siŋgine Suŋgo Yesus Kristus idusmba wam ŋakmba tuku Mam Kuate gare pasa tape.

Muŋgu kilnaig mbal tuku pasa

²¹ Kristus nu sine tuku Suŋgo ŋga tane taŋgine taŋgine pasa ismba kumnemŋge minap.

²² Pino kame, tane Suŋgo tuku miŋge kumnemŋge minig taŋamba ndo taŋgine taŋgo kumnemŋge minap.

²³ Kristus nu nuñe kuasmbi tuku gabat minit. Tanjamba ndo tanjo kat tanjine tane tuku gabat minig. Kristus tuku kuasmbi ta nu tuku ngarosu. Nuñe ngarosu ta nu muskil kile-tidingina.

²⁴ Kristus tuku kuasmbi nane nu kumnemñge minig tanjamba ndo pino kame tane wam ñakmba mbolñge tanjine tanjo kumnemñge minap.

²⁵ Tanjo kame, Kristus nu nuñe kuasmbi tuku sunjomba kume purmba nuñe ngarosu kumam tuku pilna tanjamba ndo tane tanjine pino tuku sunjomba kume purkap.

²⁶ Kulembi ngaro minyangade tanjan nu nuñe pasambi nane Kuate tuku mbal purfeñnu kile-mayokkina.

²⁷ Nuñe kuasmbi ta mbar kugatok purfeñnu ma-ditaknu nu ndon minwaig nga nu kumna.

²⁸ Tanjamba ndo tanjo kame tanjine ngarosu tuku kume purde tanjamba tanjine pino tuku kume purkap. Ne nanje pino tuku kume purte ta ne nanje ngarosu tuku turmba tanjate.

²⁹⁻³⁰ Tanjo nu nuñe ngarosu kasur ndate. Kuga. Nu nuñe ngarosu kulat mayemba sangri pilete. Tanjamba ndo sine Kristus tuku ngarosu inum inumnu mineg tukunu nu sine nuñe kuasmbi kulat mayete.

³¹ Kuyar pasa teñemba sakate.

Tanjo nu ina mam nuñe kusreka piyo nuñe ndon munju kile-denja minwaik. Nale ngarosu ndindo mayok kanjaik nga sakate. *Mulum Pasa 2.24*

³² Kuyar pasa te alonu sunjo kuirok minit le kamuset ta teñemba. Kristus nu nuñe kuasmbi ndon tuku sakate.

³³ Pasa ta tane munḡu kilig wam ta tuku mata sakate. Ta tuku taṅgo kame, tane taṅgine ṅgarosu tuku kume purde taṅamba ndo taṅgine pino tuku kume purkap. Pino kame, tane taṅgine taṅgo tuku nyu idusniṅmba nane kumnemṅge minap.

6

Ina mam le kiṅo kame tuku pasa

¹ Kiṅo kame, tane Kuate tuku nzali dubimba ina mam kumnemṅge minap. Maṅau ta tiṅreknu.

²⁻³ Tukul pasa ande teṅenmba sakate.

Ina mam tuku nyu kurauka miṅge kumnemṅge minap. Tane taṅawap ta kilke te mbolṅge ait kuen mine mayenu mbolṅge minamṅgaig ṅga sakate. *Lo 5.16*

Tukul ta sunḡokanu. Kuate nu te-mayokmba dubikade mbal wam mayenu tam tuku sakina.

⁴ Taṅgo kame, tane taṅgine kiṅo kame ndagariniṅgam tuku sigair sigair ndaniṅgap. Tane Kuate tuku nzali dubimba naṅgine mbar kile-tidiṅga wam magenu ndo tumniṅgap.

Piro taṅgo le piro kulat mbal tuku pasa

⁵ Piro taṅgo, tane taṅgine kulat mbal tuku nyu idusniṅmba kurauka nane kumnemṅge minap. Tane Kristus kumnemṅge minig taṅamba ndo taṅgine kulat mbal kumnemṅge minmba wamduṣ tugusekmbi pirokap.

⁶ Tane kulatkade mbal am mbolṅge nane nzaliniṅgam tuku ndo piro ndakap. Tane Kristus tuku piro mbal taṅaṅ minig tukunu wamduṣ gare ṅakmbi Kuate tuku nzali dubimba pirokap.

⁷ Sine Sunġo tuku piro keg nga gare ñak pirokap sulumba tanġo tuku piro ndo keg nga idus ndawap.

⁸ Piro tanġo ko piro kulat tanġo nu wam mayenu kate ta Sunġo nu kumumbi lafuwamngat ta tane kila.

⁹ Piro kulat mbal, tane mata tanġine piro mbal mbolnġe wam magenu ndo kap. Tane ñerñerka pasa pitinu sa ndaningap. Tane tanġine piro mbal ndon tanġine Sunġo ndindo samba mbolnġe minit. Nu tanġo ñakmba mbolnġe manau kumumbi kate ta tane kila. Nu ande kusre ndate.

Sine Kuate tuku kame agan ñak minbe

¹⁰ Kile ye pasa ndindo satingam tuku minit. Tane Sunġo ndon ulendika nu tuku sanġri ta mbolnġe sanġri tingap.

¹¹ Tane Satan tuku yabri wamdus kila sunġo ta te-ibenam tuku Sunġo tuku kame agan ñakmba silike likap.

¹² Sine tanġo ndon kame bumba mine ndakeg. Kuga. Sine bukla kame guwa ñaigonu tuku sugo ma make tuku gabat kame ta ñakmba ndon kame bumba mineg.

¹³ Ta tuku tane Kuate tuku kame agan ñakmba sili ñak likap. Tane tanawap ta kame ait mbolnġe tane sanġri tinga minig le ka kame kugate ta baklel ndade.

¹⁴ Tane kame tuku kuaneka tugusek manau let tanañ tingap. Manau tinreknu tawo songam tuku agan tanañ tumba silikap.

¹⁵ Tane Kristus tuku pasa mayenu mbolnġe ngamungal mukuk tade ta kupe ngaro karennu tanañ patikap.

16 Tane kame aganj ñakmba ta silika Satan tuku tui pa bulu ñak sangri pitaiwam tuku Kuate nu kumunj nga nu tuku sangri tomba tingade wam ta kandim tanañ tap.

17 Kuate nu tane tuku muskil kile-tidinge tingit wam ta hat karenju tanañ kaikap sulumba Tukul Guwa tuku kame bagi tap. Kame bagi ta Kuate tuku pasa.

18 Tane mara mara Tukul Guwa mbolñge Kuate sungomba yabañmba minap. Tane kanyum ndamba Kuate sarsarmba nu tuku mbal ñakmba tuku yabañap.

19 Tane ye tuku mata Kuate yabañap le nu ye tuku miñge bul serwa. Tanañawa le ye kuru kuru kugatok Kristus tuku pasa mayenu tuku wam kame buk kuirok minnaig ta kile-mayokki.

20 Ye pasa mayenu tuku kukul tango minet tukunu ye muliñtanu wande te mbolñge minet. Tane Kuate yabañap le ye kuru kuru kugatok kumumbi pasa ta kukliwi.

21 Singine tira Tikikus nu Sunjo tuku piro kulat mayete ta nu tane tugum promba ye sine ñakmba mineg mañau te kubeu tinguwa le tane kila palm-bimñgaig.

22 Nunje tane kila satinmba tane tuku wamduş bul sertingawa nga idusmba nu kukulet.

23 Mam Kuate singine Sunjo Yesus Kristus nale tane singine tira ñakmba turtinguwaik le tane ñgamunjal mukuk kume pur mañau ñgamunjal son sangrinu turmba ñak minap.

24 Tane singine Sunjo Yesus Kristus tuku kume purmba minmba minig mbal Kuate nu tane make

EFESUS 6:24

xix

EFESUS 6:24

patikuwa.
Son.

KUATE TUKU PASA
Portions of the Old Testament and The New Testament
in the Siroi Language of Papua New Guinea
Sampela hap Buk Baibel long tokples Siroi long
Niugini

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 18 Apr 2025 from source files dated 31 Aug 2023

9d2e8659-afb4-5cca-93d8-23ebf89e1709